

W In Gottes gna-

den wir Augustus Herzog zu
Sachsen / des heiligen Römischen Reichs Erzmarschall
vnd Churfürst / Landgraff in Thüringen / Marggraff zu
Meissen / vnd Burggraff zu Magdenburg / Entbieten
allen vnd jeden vnsern Prelaten / Graffen / Herren / denen
von der Ritterschafft / Oberhaupt vnd Ambtleuten / Vork
waltern / Schössern / Gleitsleuten / Bürgermeistern / Richs
tern vnd Rehten der Stedte / Schultheissen / vnd in gemein
allen vnsern Vnderthanen vñ vorwandten / Geistlichs vnd
Weltlichs standes / Auch denen so sich vnser schuzes ge
brauchen / vnd die sonsten in vnsern Landen / iren enthalt /
handel / gewerb vnd genies haben / treiben vnd vben / vnsern
grus / gnade vnd geneigten willen / Ehrwürdige / Wol
geborne / Edle / auch Wirdige lieben andechtigē vnd getrew
en / Wie wir vns auff dem neheren zu Torgaw gehalten
nem Landtage / gegen vnserer getrewen Landschafft / auff
vnderthenigs erinnern / wegen der bösen frembden auslän
dischen geringen Münze / damit dieselbige aus vnsern Lan
den gebracht / vnd vnser gute dorinnen behalten / gnedigst
verbotten / Auch dor auff vnterm Dato Dresden / den 27.
Decembris nechst vorschienen / vnser offen Mandat vnd
Auffschreiben gethan / vnd ausgehen lassen / dessen wisset se
euch guter massen zuerinnern. Nachdem dann dorinnen
vorleibt / geboten vnd verboten / das man die Thaler / hal
be Thaler / Orter / vnd andere kleine Münzsorten / so in des
heiligen Reichs / vnd vnsern vorigen Münz Mandaten ver
boten / gar nicht nemen / auch hierüber ermanet vnd verwar
net sein solle / die Philips vnd andere zu geringe befundene
A ij Thaler